

CONVENIO DE COLABORACIÓN PARA O ANO 2022, ENTRE A CONSELLERÍA DE POLÍTICA SOCIAL E XUVENTUDE E FAIBEN FUNDACIÓN DE APOIO Á INFANCIA E AO BENESTAR, MANAIA ASOCIACIÓN GALEGA DE ADOPCIÓN E ACOLLEMENTO, INSPECTORÍA MARÍA AUXILIADORA E A ASOCIACION CASA DE FAMILIA SANTA JOAQUINA DE VEDRUNA PARA O DESENVOLVEMENTO DO PROGRAMA DE EXPERIENCIAS FAMILIARES DE REFERENCIA "EN FAMILIA", NO MARCO DO PLAN DE RECUPERACIÓN, TRANSFORMACIÓN E RESILIENCIA – FINANCIADO POLA UNIÓN EUROPEA – NEXTGENERATIONEU.

No lugar e na data da sinatura dixital

REUNIDOS

Dunha parte:

Dunha banda, dona Fabiola García Martínez, conselleira de Política Social e Xuventude, actuando en nome e representación da Consellería de Política Social e Xuventude, no uso das facultades que lle veñen atribuídas no artigo 34 da Lei 1/1983, do 22 de febreiro, de normas reguladoras da Xunta e da súa Presidencia, o Decreto 60/2022, do 15 de maio, do seu nomeamento, o Decreto 58/2022, do 15 de maio, polo que se establece a estrutura orgánica da Xunta de Galicia, o Decreto 73/2022, do 25 de maio, polo que se fixa a estrutura orgánica das vicepresidencias e das consellerías da Xunta de Galicia e o Decreto 124/2022, do 23 de decembro, polo que se establece a estrutura orgánica da Consellería de Política Social e Xuventude e o Acordo do Consello da Xunta de Galicia do 27 de marzo de 1991, sobre convenios de cooperación con outros entes públicos e de colaboración con particulares, publicado no Diario Oficial de Galicia por resolución do 8 de abril de 1991.

E doutra parte:

Ángel Martínez Puente, con DNI 35251788X, representante da agrupación formada polas entidades Faiben, Fundación de Apoio á Infancia e ao Benestar, MANAIA, Asociación Galega de Adopción e Acollemento, a Inspectoría María Auxiliadora e a Asociación Casa de Familia Santa Joaquina de Vedruna. Con data 19 de outubro de 2021 as catro entidades asinaron un convenio de colaboración co obxectivo de enmarcar e coordinar a colaboración das catro entidades no "Programa de Experiencias Familiares de Referencia" a fin de sumar os seus esforzos para establecer camiños de actuación que favorezan e incrementen o beneficio mutuo, aproveitando ao máximo os seus recursos para a consecución dos obxectivos comúns. En virtude da cláusula 3ª.a) foi nomeado Ángel Martínez Puente, xerente de Faiben Fundación de Apoio á Infancia e ao Benestar, como representante da agrupación con poderes bastantes para cumprir coas obrigas que, como agrupación beneficiaria, lle puideran corresponder segundo o artigo 8.3 da Lei 9/2007, de 13 de xuño.

As partes interveñen no nome e representación dos seus respectivos órganos e entidades no exercicio das competencias que lles están legalmente atribuídas, recoñecéndose mutua e reciprocamente capacidade para obrigarse mediante o presente convenio nos termos que nel se conteñen e, para o efecto,



EXPOÑEN

Primeiro.- As administracións públicas poden celebrar convenios de colaboración con outras entidades públicas así como con persoas xurídicas suxeitas ao dereito privado ao abeiro do disposto na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, e máis o Acordo do Consello da Xunta do 27 de marzo de 1991, sobre convenios de cooperación con outros entes públicos e de colaboración con particulares, feito público por Resolución da Consellería de Economía e Facenda do 8 de abril de 1991.

Segundo.- A Constitución española dispón no artigo 39, entre os principios reitores da política económica e social, o apoio dos poderes públicos para asegurar a protección social, económica e xurídica da familia, sinalando, igualmente que os nenos, nenas e adolescentes deberán gozar da protección prevista nos acordos internacionais, entre os que deben incluírse os dereitos recoñecidos á infancia pola Convención sobre os Dereitos do Neno, aprobada pola Asemblea Xeral das Nacións Unidas o 20 de novembro de 1989 e en vigor en España desde o 5 de xaneiro de 1991.

Terceiro.- A Comunidade Autónoma de Galicia ostenta competencias exclusivas en materia de asistencia social, de conformidade co disposto no artigo 27.23 do Estatuto de Autonomía de Galicia, e nos Reais Decretos de Transferencia 2411/1982, do 24 de xullo e 534/1984, do 25 de xaneiro, e en virtude de dita competencia aprobáronse a Lei 13/2008, do 3 de decembro, de servizos sociais de Galicia e a Lei 3/2011, do 30 de xuño, de apoio á familia e á convivencia de Galicia.

Cuarto.- A Consellería de Política Social e Xuventude, a través da dirección xeral con competencias en Familia, Infancia e Dinamización Demográfica, ten asumido entre as súas competencias segundo o Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude, a protección e a tutela dos nenos, nenas e adolescentes en situación de risco ou desamparo nos termos establecidos no Código Civil, na Lei orgánica 1/1996, do 15 de xaneiro, de protección xurídica do/a menor, de modificación parcial do Código Civil e da Lei de Axuízamento Civil e no ámbito da Comunidade Autónoma de Galicia a Lei 3/2011, do 30 de xuño, de apoio á familia e á convivencia de Galicia, o Decreto 42/2000 do 4 de xaneiro, polo que se refunde a normativa reguladora vixente en materia de familia, infancia e adolescencia, modificado polo Decreto 406/2003, do 29 de outubro, na Lei orgánica 8/2015, del 22 de xullo de modificación do sistema de protección á infancia e adolescencia, a Lei 26/2015, de 28 de xullo, de modificación do sistema de protección á infancia e á adolescencia e a Lei Orgánica 8/2021, de 4 de xuño, de protección integral á infancia e a adolescencia fronte á violencia.

Quinto.- As entidades descritas a continuación participan no sistema de protección á infancia e á adolescencia de Galicia, e conforman a agrupación que desenvolve o programa " En Familia".

Faiben, Fundación de Apoio á Infancia e ao Benestar, recoñecida e inscrita no Rexistro de Entidades Prestadoras de Servizos Sociais co núm. E-5197, é unha entidade sen ánimo de lucro declarada de interese galego comprometida coa infancia e a adolescencia en situación de risco e



desprotección.

Nos estatutos da fundación, elevados a público o 13/05/2008 en escritura autorizada polo notario do Ilustre Colexio Notarial de Galicia, D. Marcelino Estévez Fernández co número 1.075 do seu protocolo, consta no seu artigo 6 que o obxecto desta Fundación é promoción de calquera tipo de iniciativa encamiñada ao desenvolvemento positivo da infancia e da mocidade, co propósito de ofrecer a ámbalas dúas unha asistencia integral, mostrando especial preferencia por aqueles nenos e mozos desprovistos de atención familiar e/ou risco de exclusión social.

Conta con tres Casas de Familia desde as que, a través dun modelo de convivencia familiar e normalizado, se traballa polo dereito dos nenos, nenas e adolescentes a ser membros dunha familia que lles proporcione afecto, seguridade e estabilidade. Ademais, promove outros programas e servizos que apoiem e acompañen os procesos dos nenos, nenas e adolescentes na construción dos seus propios proxectos de vida. Dende o ano 2014 conta, en colaboración coa Xunta de Galicia, cun programa de formación para familias que xa dispoñen do certificado de idoneidade para a adopción, tanto nacional como internacional.

Manaia Asociación Galega de Adopción e Acollemento, recoñecida e inscrita no Rexistro de Entidades Prestadoras de Servizos Sociais co núm. E-6183, é unha entidade sen ánimo de lucro constituída como entidade de natureza asociativa e inscrita no Rexistro de Asociacións co nº 2006-9774-1, que se rexe polos seus estatutos e pola Lei orgánica 1/2002, do 22 de marzo, reguladora do dereito de asociación é demais normativa aplicable.

Nos estatutos da fundación, consta no seu artigo 5 que os fins principais da asociación son:

- a) Fomentar no ámbito de Galicia a adopción, nacional e internacional, e o acollemento.
- b) Facilitar ás familias galegas axuda para levar a cabo os procesos de adopción ou acollemento.
- c) Colaborar coas administracións públicas para facilitalos procesos de adopción e acollemento.

MANAIA, Asociación Galega de Adopción e Acollemento, vén desenvolvendo un "Programa de apoio e acompañamento ás familias adoptivas e acolledoras", de importante interese social, nas catro provincias da Comunidade Autónoma de Galicia.

A Inspectoría María Auxiliadora foi constituída como entidade de natureza relixiosa, como consta na escritura pública outorgada en Sevilla o 1 de setembro de 2017, e está recoñecida e inscrita no Rexistro de Entidades Prestadoras de Servizos Sociais co núm. E-6807. Destaca a labor que desenvolve a través das súas plataformas sociais e diversas presenzas sociais distribuídas en todo o país: fundacións sociais, programas de inserción laboral, inmigrantes, centros de menores...

A Asociación Casa de Familia Santa Joaquina de Vedruna, entidade de natureza asociativa constituída mediante escritura fundacional o 1 de xuño de 1995, e inscrita no Rexistro de Asociacións co número 1995/003559-1 (PO), está recoñecida e inscrita no Rexistro de Entidades Prestadoras de Servizos Sociais co núm. E-7358. Esta asociación foi constituída coa



finalidade de acoller a un grupo de nenos, nenas e adolescentes en situación de tutela ou garda, e ofrecerlles unha asistencia integral, dentro dunha estrutura de vida familiar.

Sexto.- A protección da infancia en risco ou desamparo motiva, en moitos casos, a asunción da tutela ou da garda por parte da Administración. As leis establecen, en xeral, a prioridade do acollemento familiar sobre o residencial en base ao interese superior deses nenos e nenas que inclúe o seu dereito a vivir e crecer nunha contorna familiar adecuada e libre de violencia. Con todo, na actualidade existe un alto número de nenos e nenas que por varios motivos permanecen en centros residenciais, aproximadamente o 50% das situacións de tutela e garda.

Os centros proporcionan un lugar de residencia e convivencia a nenos, nenas e adolescentes que garante a adecuada cobertura das súas necesidades básicas e o efectivo exercicio dos seus dereitos. Entre eles, as casas de familia ofrecen, ademais, un marco educativo normalizador e integrador adaptado á realidade dos nenos e nenas: núcleos de convivencia máis pequenos, plenamente integrados na comunidade e atención máis personalizada. As entradas e saídas dos nenos e nenas acollidos, en xeral, están marcadas polas súas necesidades educativas e de protección, desfrutando, na medida do posible, de saídas e visitas con pais, nais ou familiares.

Sen embargo, atopámonos con nenos e nenas que, polas súas circunstancias (o contacto coa familia de orixe non é posible ou conveniente para o seu interese superior e non resulta posible o acollemento en familia extensa), non poden acceder ás visitas e saídas coa familia propia, polo que teñen dificultades para poder vivir experiencias de relación familiar. Estas situacións redundan na fragilidade dos nenos e nenas acollidos nos centros de protección: con nenos e nenas residindo por longas temporadas, situacións cronificadas e sen proxecto de saída claro que, polo paso do tempo e o acceso á maioría de idade, derivan en procesos de autonomía persoal ou reintegración na familia de orixe coa maioría de idade que aumentan a súa vulnerabilidade persoal.

Ao mesmo tempo, existen familias dispostas a colaborar co proceso educativo deses nenos, nenas e adolescentes durante períodos de fins de semana e vacacións escolares que non atopan o recurso apropiado para a colaboración ou que non dan o paso para ofrecerse como demandantes de acollemento.

Sétimo.- De conformidade co exposto, con data 19 de outubro de 2021 Faiben, Fundación de Apoio á Infancia e ao Benestar, MANAIA, Asociación Galega de Adopción e Acollemento, a Inspectoría María Auxiliadora e a Asociación Casa de Familia Santa Joaquina de Vedruna, asinaron un convenio de colaboración a fin de sumar os seus esforzos para establecer camiños de actuación que favorezan e incrementen o beneficio mutuo, constituíndose como agrupación para a posta en marcha en común dunha nova iniciativa como é o programa de experiencias familiares de referencia "En Familia".

O programa de experiencias familiares de referencia "En Familia" coa formación inicial e continua contribúe a garantir que as familias acolledoras sexan conscientes do contexto e circunstancias reais dos nenos e nenas. O acompañamento especializado e intensivo tamén contribúe a procesos proactivos que prevén posibles obstáculos. A metodoloxía do programa permite un



alto grao de sensación de seguridade tanto para os nenos, nenas e adolescentes como para as familias, pola súa progresividade e control dos tempos.

En todos os procesos se garante a visión centrada no interese superior nos nenos, nenas e adolescentes e require do estudo e valoración dos seus perfís, así como da difusión, captación, formación e valoración das familias colaboradoras adecuadas ás necesidades da persoa menor de idade, así como do acompañamento posterior.

Oitavo.- O programa pretende proporcionar aos nenos, nenas e adolescentes en situación de acollemento residencial sen contactos familiares adecuados, a posibilidade de desfrutar de estancias temporais con familias alleas que se constitúan en referencias estables no seu desenvolvemento.

O programa, cando sexa conveniente ao interese dos nenos, nenas e adolescentes, promoverá estancias, saídas de fins de semana ou de vacacións con familias colaboradoras.

O presente programa require do estudo e valoración dos perfís dos nenos, nenas e adolescentes participantes, así como da difusión, captación, formación e valoración das familias colaboradoras adecuadas ás necesidades da persoa menor de idade, así como do acompañamento posterior.

As entidades que constitúen a agrupación teñen obxectivos comúns e/ou complementarios en áreas de intervención socioeducativa con nenas e nenos en situación de desprotección. Suman esforzos para establecer camiños de actuación que favorezan e incrementen o beneficio mutuo, aproveitando ao máximo os seus recursos para a consecución dos obxectivos comúns. O programa conxunto das catro entidades pretende proporcionar aos nenos, nenas e adolescentes en situación de acollemento residencial sen contactos familiares adecuados, a posibilidade de desfrutar de estancias temporais con familias alleas que se constitúan en referencias estables no seu desenvolvemento.

Noveno.- Faiben, Fundación de Apoio á Infancia e ao Benestar, desenvolve as funcións de “socio coordinador”, como se estipula no convenio de colaboración asinado en Vigo o 19/10/2021 entre as entidades que conforman a agrupación para a execución do programa. De acordo coa cláusula terceira do dito convenio, o socio coordinador realizará as seguintes funcións:

- a) Dirixir e supervisar a execución do proxecto.
- b) Coordinar o programa, asumindo directamente as contratacións e gastos necesarios, así como a poñer ao dispor do mesmo os recursos técnicos e materiais que correspondan.
- c) Verificar o cumprimento dos compromisos de cada socio.
- d) Preparar os informes e documentación necesaria para a xustificación do proxecto.

Os socios son responsables de:

- a) Participar nas actividades previstas no proxecto.
- b) Participar nas reunións de coordinación e seguimento do proxecto.
- c) Proporcionar ao socio coordinador a información das actividades e resultados no momento que corresponda.



d) Informar inmediatamente o socio coordinador de calquera suceso que poida causar interrupción temporal ou permanente do servizo.

e) Proporcionar todos os documentos necesarios para un control o unha auditoría realizada polas autoridades competentes.

Todas as entidades responderán solidariamente o caso de reintegro ou sanción derivada da subvención, comprometéndose a non disolver a agrupación ata que transcorra o prazo de prescrición previsto nos artigos 39 e 65 da Lei 38/2003, do 17 de novembro, xeneral de subvencións, e 35 e 63 da Lei 9/2007, do 13 de xuño.

Como mecanismo de coordinación, e de acordo coa cláusula segunda do dito convenio entre as entidades para a constitución da agrupación, creárase unha comisión mixta, formada por representantes das catro entidades, cuxa tarefa será o seguimento do funcionamento do programa, revisión metodolóxica, propostas de mellora e axuste económico do mesmo.

A dita comisión reunirse dúas veces ao ano, a primeira delas en torno ao mes de xuño e a segunda en torno ao mes de decembro de cada ano.

Tendo en conta as consideracións precedentes, pódese afirmar a dita agrupación é idónea pola súa experiencia no ámbito da atención aos nenos, nenas e adolescentes a través do desenvolvemento na Comunidade Autónoma de Galicia de programas e servizos no ámbito da prevención e a protección da infancia, a adolescencia e as súas familias. Ademais, as entidades que a constitúen xestionan casas de familia nas que viven nenos, nenas e adolescentes cun elevado período de internamento. O coñecemento singular destas entidades das características e necesidades individuais dos nenos, nenas e adolescentes que se pretende desinstitucionalizar mediante este programa fai que non sexa posible promover a concorrencia competitiva á hora de financiar este programa.

O sistema de xestión elixido pola agrupación para o desenvolvemento do programa é o de que Faiben Fundación de Apoio á Infancia e ao Benestar contrate ao persoal específico. O resto dos gastos distribuiranse de acordo co establecido no Anexo I. Todas as entidades prestan recursos xa existentes e colaboran nas actividades e avaliación, como se detalla na cláusula terceira do referido convenio do 19 de outubro de 2021 entre as entidades.

Décimo.- Este convenio exclúe o ánimo de lucro e non pode satisfacerse axeitadamente mediante a celebración dun contrato dos recollidos na Lei 9/2017, de 8 de novembro, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

Décimo primeiro.- A Consellería de Política Social e Xuventude considera prioritario potenciar este tipo de actuacións e está interesada en fomentar a execución de programas como o que se describe, a través do cal a agrupación descrita achega un punto de vista único para desenvolver a actividade do proxecto, debido a que enfocan o seu traballo na consecución do benestar dos nenos, nenas e adolescentes en situación de acollemento residencial sen contactos familiares adecuados, co obxectivo de proporcionarlles a posibilidade de desfrutar de estancias temporais



con familias alleas que se constitúan en referencias estables no seu desenvolvemento.

De acordo co artigo 2.1.c) da Lei 9/2007, do 13 de xuño, o programa financiado ten por obxecto o desenvolvemento dunha actividade de interese social. Ademais, o artigo 19.4.c) da mesma lei establece que, con carácter excepcional, subvencionaranse aquelas actuacións que acrediten razóns de interese social e humanitario.

A lei 3/2011 de apoio á familia e a convivencia de Galicia establece como principio reitor o recoñecemento, respecto, apoio e protección á familia como medio de transmisión da vida, de solidariedade, de educación e de valores fundamentais e como ámbito privilexiado para o desenvolvemento persoal e o equilibrio emocional e afectivo.

A Consellería de Política Social e Xuventude considera de especial importancia favorecer a programas como o que se describe, a través do cal a agrupación que desenvolve o programa achega un punto de vista único para o desenvolvemento do programa implantando este servizo en cotitularidade. Ámbalas catro son entidades con moitos anos de experiencia na xestión de programas e servizos no ámbito da prevención e a protección da infancia, a adolescencia e as súas familias, contando ademais con recursos humanos e estrutura suficiente para desenvolver as actividades propias do programa.

Cada unha destas entidades teñen acreditado, a través dunha declaración responsable, que se atopan ao corrente do cumprimento das súas obrigas tributarias coa Administración pública da Comunidade Autónoma, coa Administración do Estado e coa Seguridade Social.

Tendo en conta o que antecede, a Consellería de Política Social e Xuventude considera idóneo o impulso á agrupación para a execución do Programa "de experiencias familiares de referencia "EN FAMILIA"" no ano 2022.

Décimo segundo.- A concesión da subvención directa a través deste convenio financiarase con fondos do Mecanismo de Recuperación e Resiliencia (MRR), segundo o Regulamento (UE) 2020/2094, do 14 de decembro de 2020, polo que se establece un Instrumento de Recuperación da UE para apoiar a recuperación tras a crise da COVID-19; o Regulamento (UE) 2021/241, do 12 de febreiro, polo que se establece o MRR, o Plan de Recuperación, Transformación e Resiliencia (PRTR) de España (aprobado o 16/06/2021 por Decisión do Consello de Europa); o Real decreto lei 36/2020, do 30 de decembro, polo que se aproban medidas urxentes para a modernización da Administración pública e para a execución do PRTR; a Lei 9/2021, do 25 de febreiro, de simplificación administrativa e de apoio á reactivación económica de Galicia; a Orde HFP/1030/2021, do 29 de setembro, pola que se configura o sistema de xestión do PRTR; a Orde HFP/1031/2021, do 29 de setembro, pola que se establece o procedemento e formato da información a proporcionar polas Entidades do Sector Público Estatal, Autonómico y Local para o seguimento do cumprimento de fitos e obxectivos e de execución orzamentaria e contable das medidas dos compoñentes do PRTR; e o Regulamento (UE, Euratom) 2018/1046, do 18 de xullo de 2018, sobre as normas financeiras aplicables ao orzamento xeral da Unión (Regulamento Financeiro).

Décimo terceiro.- A concesión da subvención a través do convenio está amparado polo Plan de



Recuperación, Transformación e Resiliencia, en concreto encaixa na liña de inversión I2 do proxecto número 2, subproxecto número 7 (Modernización, dixitalización e mellora dos servizos de protección, atención e acollemento da infancia), incluído no Compoñente 22 relativo a "Economía dos cuidados e reforzo das políticas de igualdade e inclusión social", segundo o anexo I do Convenio de colaboración entre o Ministerio de Derechos Sociales y Agenda 2030 e a Comunidade Autónoma de Galicia para a execución de proxectos con cargo aos fondos europeos procedentes do Mecanismo para a Recuperación e Resiliencia (MRR) asinado o 27 de agosto de 2021. O citado proxecto nº 7 ten, entre outros obxectivos, a posta en marcha de actuacións de promoción e fomento do acollemento familiar a través de campañas de difusión do acollemento dirixidas directamente ás potenciais familias acolledoras, a través doutras familias que xa teñan experiencia neste recurso, para favorecer o contacto directo e o intercambio real de experiencias que fomenten novas participacións.

En virtude do exposto, as catro partes outorgan e subscriben de mutuo acordo o presente convenio de colaboración que desenvolverase de acordo coas seguintes:

CLÁUSULAS

PRIMEIRA.- OBXECTO

O obxecto do presente convenio é contribuír ao financiamento, por parte da Consellería de Política Social e Xuventude da Xunta de Galicia, a través da concesión directa dunha subvención, á agrupación constituída polas entidades Faiben, Fundación de Apoio á Infancia e ao Benestar, MANAIA, Asociación Galega de Adopción e Acollemento, a Inspectoría María Auxiliadora e a Asociación Casa de Familia Santa Joaquina de Vedruna, para o desenvolvemento do Programa de experiencias familiares de referencia "EN FAMILIA" mediante o cal se lles facilita aos nenos, nenas e adolescentes un marco referencial de vida nun núcleo pequeno como é a familia, onde a colaboración, a axuda e o respecto posibiliten experiencias que permitan o coñecemento que supón unha relación familiar e que axude a incrementar a súa autoestima e seguridade persoal á vez que amplíe a súa rede relacional.

SEGUNDA.- PERSOAS BENEFICIARIAS DO PROGRAMA A SUBVENCIONAR

Prevese que as persoas beneficiarias ascendan a 15 nenos/as e/ou adolescentes, 150 familias sensibilizadas.

TERCEIRA. CRITERIOS PARA A SELECCIÓN DAS PERSOAS BENEFICIARIAS

Serán destinatarios das actuacións do programa os nenos, nenas e adolescentes en situación de tutela ou garda pola Xunta de Galicia que se atopen nas seguintes situacións:

- No seu Proxecto Educativo Individual se contempla a estancia en familia como recurso para a consecución dos seus obxectivos educativos.
- Sen familia biolóxica, nin familia extensa, ben por ausencia ou por imposibilidade de facerse



cargo.

- c) Provintes de situacións sociais moi carenciais sen referentes adultos.
- d) Con discapacidades psíquicas, físicas, sensoriais ou enfermidades, sen posibilidades de coñecer outra situación máis normalizadora que a de Centros Residenciais.
- e) A familia se atope nunha situación social cronicada e que esta non poida facerse cargo deles durante a fin de semana e períodos de vacacións.
- f) Con desmotivación marcada polo seu proceso de longo internamento.
- g) Con proposta de Acollemento Familiar simple en familia allea e que esta proposta non sexa viable debido á idade do neno ou á súa situación persoal ou social.

CUARTA.- COMPROMISOS DA AGRUPACIÓN DE ENTIDADES BENEFICIARIAS DA CONCESIÓN DA SUBVENCIÓN

En cumprimento do artigo 11 da Lei 9/2007, do 13 de xuño, e do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, son obrigas da agrupación de entidades beneficiarias:

- a) Cumprir os requisitos en relación a agrupacións de entidades como beneficiarias da concesión de subvencións estipulados no artigo 8 da Lei 9/2007, do 13 de xuño.
- b) Cumprir os requisitos para obter a condición de entidades beneficiarias estipulados no artigo 10 da Lei 9/2007, do 13 de xuño.
- c) Cumprir todos e cada un dos obxectivos, actividades e proxectos, adoptar os comportamentos que fundamentaron a concesión da subvención e cumprir os compromisos asumidos con motivo desta. Noutro caso, procederá o reintegro total ou parcial, atendendo aos criterios establecidos no convenio.
- d) Xustificar ante a Consellería de Política Social e Xuventude o cumprimento dos requisitos e das condicións, así como a realización da actividade e o cumprimento da finalidade que determinen a concesión ou o gozo da subvención.
- e) Someterse ás actuacións de comprobación, que efectuará a Consellería de Política Social e Xuventude, así como a calquera outra actuación de comprobación e control financeiro, que poidan realizar os órganos de control competentes, tanto autonómicos coma estatais ou comunitarios, para o que se achegará canta información lle sexa requirida no exercicio das actuacións anteriores.
- f) Comunicarlle á Consellería de Política social e Xuventude a obtención doutras subvencións, axudas, ingresos ou recursos para a mesma finalidade, procedentes de calquera administración ou entes públicos ou privados, nacionais, da Unión Europea ou de organismos internacionais, así como a modificación das circunstancias que fundamentasen a concesión da subvención. Esta comunicación deberá efectuarse no



momento no que se coñeza e, en todo caso, con anterioridade á xustificación da aplicación dada aos fondos percibidos.

- g) Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ás catro entidades beneficiarias en cada caso, así como cantos estados contables e rexistros específicos sexan esixidos polas bases reguladoras das subvencións, coa finalidade de garantir o axeitado exercicio das facultades de comprobación e control.
- h) Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control. Así mesmo, de conformidade co artigo 22.2.f) do Regulamento (UE) 2021/241, do Parlamento Europeo e do Consello do 12 de febreiro de 2021, polo que se establece o Mecanismo de Recuperación e Resiliencia, é preceptiva a conservación da dita documentación durante un período de 5 anos a partir do pago do saldo.
- i) Incluír na publicidade e en todo tipo de documentación e información relacionada coas actividades obxecto do programa a subvencionar a través do convenio e nos lugares onde estas se realicen: "Subvencionado pola Xunta de Galicia – Consellería de Política Social e Xuventude", co seu respectivo logotipo.

Segundo a cláusula novena da Resolución de 11 de setembro de 2021, da Secretaría de Estado de Dereitos Sociais, pola que se publica o Convenio coa Comunidade Autónoma de Galicia, para a execución de proxectos con cargo aos fondos europeos procedentes do Mecanismo para a Recuperación e Resiliencia, as entidades que desenvolven o programa comprométese a destacar, en cantas actividades realicen para a difusión das accións previstas no presente Convenio, o financiamento efectuado pola Administración Xeral do Estado, así como facelo constar en cuantos materiais se reproduzan e utilicen para a difusión ou publicidade do convenio financiado, de acordo co establecido no «Manual de imaxe Institucional da Administración Xeral do Estado».

Adicionalmente, as entidades que desenvolven o programa farán mención da orixe deste financiamento e velarase por darlle visibilidade, mediante o emblema da Unión e unha declaración de financiamento adecuado que indique «financiado pola Unión Europea-NextGenerationEU», en particular cando promovan as accións e os seus resultados, facilitando información coherente, efectiva e proporcionada dirixida a múltiples destinatarios, incluídos os medios de comunicación e o público. Esta publicidade realizarase de conformidade co establecido no artigo 34.2 do Regulamento (UE) 2021/241 do Parlamento Europeo e do Consello do 12 de febreiro de 2021, e conforme ao establecido no Manual de Marca do Plan de Recuperación, Transformación e Resiliencia confeccionado pola Secretaría de Estado de Comunicación.

- j) Proceder ao reintegro dos fondos percibidos nos supostos previstos no artigo 33 da Lei 9/2007, do 13 de xuño, e artigo 74 e seguintes do Decreto 11/2009, do 8 de xaneiro, polo que se aproba o seu Regulamento. Asemade as entidades deberá cumprir a obriga de subministro de información nos termos establecidos no artigo 4 da Lei 1/2016, do 18 de



xaneiro, de transparencia e bo goberno.

- k) Subministrar á Consellería de Política Social e Xuventude, previo requirimento, toda a información necesaria para o cumprimento por parte da agrupación de entidades, das obrigas previstas para cada unha das entidades segundo o programa (anexo II), así como facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas funcións de fiscalización e control do destino das axudas. A estes efectos, o representante da agrupación de entidades, nomeado en virtude da cláusula terceira do convenio de colaboración entre as entidades asinado o 19/10/2021, será o responsable de proporcionar a documentación indicada.
- l) Elaborar e publicar unha memoria anual das actividades realizadas, dentro do mes seguinte á finalización da anualidade de execución do convenio, e en todo caso no mes de xaneiro do ano seguinte de execución.
- m) Aceptar a cesión de datos ás Administracións Públicas implicadas nos termos indicados no Anexo III a este convenio de colaboración.
- n) Presentar a declaración responsable relativa ao cumprimento dos principios transversais establecidos no Plan de Recuperación, Transformación e Resiliencia (PRTR), nos termos indicados no Anexo IV.
- o) Etiquetado verde e dixital: En aplicación dos artigos 2.2.b) e 4 da Orde HFP/1030/2021, deberán preverse medidas para cumprir o compromiso de etiquetado verde e dixital previsto (para cada compoñente) no PRTR, con base no Regulamento (UE) 2021/241, do Parlamento Europeo e do Consello do 12 de febreiro de 2021.
- p) A execución do MRR exige o compromiso no cumprimento do principio horizontal de “non causar prexuízo significativo” que define o artigo 2.6) do Regulamento (UE) 2021/241, do Parlamento Europeo e do Consello do 12 de febreiro de 2021, respecto dos 6 obxectivos medioambientais recollidos no artigo 5 da Orde HFP/1030/2021 e definidos no Regulamento (UE) 2020/852 do Parlamento Europeo e do Consello do 18 de xuño de 2020, relativo ao establecemento dun marco para facilitar as inversións sostibles e polo que se modifica o Regulamento (UE) 2019/2088 (Regulamento de taxonomía da UE).
- q) Desenvolver o programa tendo en conta a lexislación vixente en materia de protección de menores e a primacía do superior interese do/a menor sobre calquera outro.
- r) As catro entidades comprométese a non disolver a agrupación constituída polo convenio de colaboración asinado con data 19 de outubro de 2021, ata que transcorra o prazo de prescrición previsto nos artigos 39 e 65 da Lei 38/2003, de 17 de novembro, xeral de subvencións, e 35 e 63 da Lei 9/2007, de 13 de xuño. Comprométese ademais a impulsar o adecuado funcionamento do programa descrito, colaborando entre si tanto na planificación do servizo como no financiamento do mesmo.



QUINTA.- DEBERES E RESPONSABILIDADES DAS ENTIDADES BENEFICIARIAS DA CONCESIÓN DA SUBVENCIÓN

De acordo co artigo 8.3 da Lei 9/2007, de 13 de xuño, e do convenio asinado con data 19 de outubro de 2021 entre as entidades que suscriben o presente convenio, o representante da agrupación é Ángel Martínez Ponte, con DNI 35251788X.

O socio coordinador (Faiben, Fundación de Apoio á infancia e ao Benestar) realizará as seguintes funcións:

- a) Dirixir e supervisar a execución do proxecto.
- b) Coordinar o programa, asumindo directamente as contratacións e gastos necesarios, así como pór a dispor do mesmo os recursos técnicos e materiais que correspondan.
- c) Verificar o cumprimento dos compromisos de cada socio.
- d) Preparar os informes e documentación necesaria para a xustificación do proxecto.

Os socios son responsables de:

- a) Participar nas actividades previstas no proxecto.
- b) Participar nas reunións de coordinación e seguimento do proxecto.
- c) Proporcionar ao socio coordinador a información das actividades e resultados no momento que corresponda.
- d) Informar inmediatamente o socio coordinador de calquera suceso que poida causar interrupción temporal ou permanente do servizo.
- e) Proporcionar todos os documentos necesarios para un control o unha auditoría realizada polas autoridades competentes.

SEXTA.- PERSOAL PARA O DESENVOLVEMENTO DO PROGRAMA

Para o desenvolvemento do programa a agrupación disporá de persoal especializado nesta área de actuación, segundo o número 11 do programa que figura no Anexo II.

Porán, así mesmo, á disposición do programa o persoal de dirección e de xestión necesario para garantir a calidade e mellora no seu desenvolvemento.

Os equipos profesionais que poñan a disposición deste programa en ningún caso poderán actuar baixo a dependencia da Consellería de Política Social e Xuventude, debendo ser as citadas entidades as que impartan as oportunas ordes aos seus traballadores e as que ostenten respecto destes o correspondente poder de dirección, conservando os dereitos; obrigas, riscos e responsabilidades inherentes a súa condición de entidades empregadoras.

A formalización do presente convenio non implicará relación laboral ou de calquera outra natureza entre as persoas que desenvolvan as actividades do programa a subvencionar e a Consellería de Política Social e Xuventude, polo que non se lle poderá esixir a esta



responsabilidade ningunha por estes conceptos, nin directa nin subsidiaria.

Os recursos humanos precisos para o desenvolvemento do proxecto son: unha técnica responsable do Programa a tempo completo e un coordinador cunha dedicación do 20% da súa xornada (8 horas semanais). Este equipo complementábase coa colaboración das persoas educadoras de referencia en cada Casa de familia e co técnico da Asociación Manaia, pola súa parte, para a difusión, sensibilización e captación de familias, así como nas formacións posteriores.

SÉTIMA.- CONDICIÓN ECONÓMICAS

1. A Consellería de Política Social e Xuventude financiará o custo derivado da execución en 2022 do programa a subvencionar a través deste convenio cunha contía global de 31.982,70 € con cargo a fondos procedentes do MRR, no marco do PRTR – Financiado pola Unión Europea – NextGenerationEU, segundo o Convenio asinado ao efecto con data do 20/08/2021 entre a Consellería de Política Social e o Ministerio de Derechos Sociales y Agenda 2030 e con cargo á aplicación orzamentaria 13.02.312B.481.00 na que existe crédito axeitado e suficiente para este fin, distribuído na seguinte anualidade:

Anualidade	2022
Importe	31.982,70 €

A subvención límitase á financiación dos gastos que aparecen desagregados no Anexo I e en ningún caso supón beneficio económico para as entidades convenientes. Non obstante, poderanse admitir variacións no importe de cada unha das partidas sinaladas, sempre que a cantidade total achegada por cada unha das partes no convenio non varíe.

O importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

2. O pago realizarase en aplicación dos artigos 26.4 e 62 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, ao socio coordinador do programa do seguinte xeito:

Tras a sinatura do presente convenio poderán realizarse pagamentos parciais a conta, ata un máximo de 25.586,16 € para o ano 2022 (80% da cantidade subvencionada), a medida que se xustifique a realización das actividades descritas no programa a subvencionar a través deste convenio, do seguinte xeito:

1º. A cantidade de 15.798,27 € (80 % dos 18.000 primeiros euros máis o 10 % dos 13.982,70 € restantes), será satisfeita no intre no que se asine o convenio, co obxecto de que se poidan cubrir os custos por gastos inmediatos para a posta en marcha do programa. O emprego desta cantidade xustificárase mediante as correspondentes facturas antes do derradeiro pagamento.

A este respecto, a agrupación queda exonerada de constituír as garantías a que



fan referencia os artigos 62.3 e 67 do Decreto 11/2009, do 8 de xaneiro, por tratarse dunha entidade coas características determinadas no artigo 65.4 f) do dito decreto.

2º. Ata 9.787,89 € pagaranse a medida que se xustifique a actividade descrita no programa a subvencionar por este convenio para a anualidade 2022.

Os 6.396,54 € restantes (20% da cantidade anual subvencionada) pagaranse unha vez xustificada a realización da totalidade da actividade subvencionada.

3. A xustificación e pagamento do anticipo e das restantes partidas descritas no punto anterior, realizaranse de acordo coa distribución por entidades que figura no Anexo I. O pagamento das contías realizaranse Faiben, Fundación de Apoio á Infancia e ao Benestar, en tanto que socio coordinador da agrupación, que terá a obriga de distribuír o importe entre o resto das entidades en función das xustificacións presentadas.

OITAVA.- XUSTIFICACIÓN E CONTROL

A actividade e os gastos que poidan ser subvencionables, deben xustificarse segundo os orzamentos especificados para o ano 2022, de conformidade ao previsto no Decreto 11/2009, do 8 de xaneiro. A agrupación debe presentar as xustificacións nas que detalle con claridade as actividades financiadas do programa por cada unha das entidades para proceder ao pagamento. A tal efecto debe presentarse:

a) Unha memoria de actuación xustificativa do cumprimento das condicións impostas na concesión da subvención, coa indicación das actividades realizadas e dos resultados obtidos e que debe incluír os seguintes apartados:

1º. Xustificación do gasto segundo o artigo 28 da Lei 9/2007, de 13 de xuño, con data límite de xustificación, segundo a cláusula sétima do convenio, o 20 de decembro de 2022.

2º. Actividades realizadas.

3º. Recursos económicos, materiais e de persoal empregados.

4º. Valoración global.

5º. Accións de innovación e investigación.

b) Unha memoria económica xustificativa do custo das actividades realizadas, que conterá:

1º. Unha relación clasificada dos gastos e inversións da actividade, coa identificación da persoa acreedora e do documento, o importe, a data de emisión e, no seu caso, data do pago. No caso de que a subvención se outorgue consonte a un orzamento, indicaranse as desviacións producidas.

2º. As facturas ou documentos de valor probatorio equivalente no tráfico xurídico-mercantil ou con eficacia administrativa incorporados na relación á que se fai referencia no apartado anterior a documentación acreditativa do pago. As mesmas serán cotexadas por parte da



órgano encargado do control da documentación presentada.

- 3º. Os documentos acreditativos dos gastos realizados con medios ou recursos propios e a indicación, no seu caso, dos criterios de reparto dos custos xerais e/ou indirectos incorporados na relación a que se fai referencia na letra a), agás naqueles casos no que as bases reguladoras da subvención teñan previsto a súa compensación mediante un tanto alzado sen necesidade de xustificación.
- 4º. Os tres orzamentos que, en aplicación do art. 29.3º da Lei 9/2007, do 13 de xuño, deba solicitar o beneficiario cando o importe do gasto subvencionable supere a contía de 40.000 euros no suposto de custo por execución de obra, ou de 15.000 euros no suposto de subministración de bens de equipo ou prestación de servizos por empresas de consultaría ou asistencia técnica, o beneficiario deberá solicitar como mínimo tres ofertas de diferentes provedores, con carácter previo á contratación do compromiso para a prestación do servizo ou a entrega do ben, salvo que polas especiais características dos gastos subvencionables non exista no mercado suficiente número de entidades que o subministren ou presten, ou salvo que o gasto se realizase con anterioridade á solicitude da subvención.

A elección entre as ofertas presentadas, que deberán achegarse na xustificación, ou, se é o caso, na solicitude da subvención, realizarase de conformidade con criterios de eficiencia e economía, e deberá xustificarse expresamente nunha memoria a elección cando non recaia na proposta económica máis vantaxosa.

c) En canto aos custos salariais, a agrupación deberá presentar, referida á mensualidade ou mensualidades polas que se solicita, a seguinte documentación:

- 1º. Relación nominal dos/as traballadores/as que se inclúen como xustificación do programa subvencionado.
- 2º. Recibos de salarios
- 3º. Documentos 'Relación Nominal de Traballadores' e o documento de 'Relación de liquidación de cotizacións' dos traballadores correspondentes aos meses imputados
- 4º. Impresos de liquidación nominal do IRPF (modelos 111 e 190)

Todos os documentos anteriores deberán ir acompañados polo xustificante da transferencia ou cargo bancario correspondente que acredite a realización do seu pago. Estes xustificantes non serán esixibles para aqueles gastos realizados no derradeiro mes do ano de vixencia do convenio, cuxo pagamento efectivo sexa imposible dentro do prazo de xustificación por causas non imputables á agrupación. Nestes casos será suficiente coa presentación do resto da documentación requirida. Tampouco serán esixibles, no momento da xustificación os documentos xustificativos do gasto da seguridade social para o mes de decembro e o impreso de liquidación nominal do IRPF do cuarto trimestre de cada ano.

A agrupación comprométese á presentación da documentación dos documentos Relación Nominal de Traballadores e o documento de Relación de liquidación de cotizacións para o mes de decembro así como os impresos de liquidación nominal do IRPF do cuarto trimestre e dos



respectivos xustificantes de pago que non se poidan presentar no momento da xustificación final, unha vez obren no seu poder.

A xustificación comprenderá os gastos realizados e pagados entre o 1 de xaneiro e o 20 de decembro do ano de execución do programa, e deberá presentarse na Dirección Xeral de Familia, Infancia e Dinamización Demográfica da Consellería de Política Social e Xuventude con data límite 23 de decembro do ano 2022 para a execución do programa subvencionado polo convenio.

A cantidade a imputar á actividade subvencionada será do 100% do gasto do/a técnico/a, cando este/a dedica ao total da xornada a desempeñar tarefas das actuacións subvencionadas. No caso de dedicación inferior á xornada contratada, o gasto imputado será proporcional a súa dedicación ás actuacións subvencionadas. A tal efecto se non se atopase diferenciado na nómina e nesta se inclúen outros conceptos retributivos, xuntarase un cálculo xustificativo da imputación efectuada segundo o criterio de horas da actuación realizada en relación co total de horas traballadas.

A subvención cubre os gastos salariais e de Seguridade Social, polo que as liquidacións, complementos extra salariais ou indemnización de fin de contrato non se poden imputar.

Tampouco serán subvencionables, as vacacións pagadas, pero non disfrutadas, nin as horas extras ou traballos realizados fóra da xornada habitual de traballo.

Nas baixas por IT e maternidade:

- No caso de substitución do traballador titular subvencionaranse os custos que ocasiona o traballador que substitúe ao traballador titular.
- No caso de que non se substitúa o traballador titular, o importe non usado deberá reintegrarse na súa totalidade (excepto a liquidación das pagas extras cando o convenio colectivo de aplicación recolla para este suposto a obrigatoriedade do seu pagamento).

d) En canto á xustificación do cumprimento de estar ao corrente das súas obrigas tributarias e fronte á Seguridade Social, a Consellería de Política Social e Xuventude a través da dirección xeral con competencias en Familia, Infancia e Dinamización Demográfica poderá consultar a través dos medios electrónicos dispoñibles os datos incluídos nos documentos que a continuación se indican elaborados polas administracións públicas agás oposición expresa da agrupación, en cuxo caso deberán aportar a documentación acreditativa do cumprimento da dita obriga para o outorgamento da subvención:

1º. NIF de cada entidade.

2º. DNI ou NIE da persoa que represente a cada unha.

3º. Certificado sobre cumprimento das obrigas tributarias coa Axencia Estatal da Administración Tributaria.

4º. Certificado sobre o cumprimento das obrigas coa Seguridade Social.

5º. Certificado sobre cumprimento das obrigas tributarias coa Administración pública da



Comunidade Autónoma de Galicia.

No caso da imposibilidade da obtención dos citados datos poderase solicitar á agrupación a presentación dos documentos correspondentes.

A agrupación no momento da xustificación da execución total do proxecto e, en calquera caso, antes do derradeiro pagamento, presentará unha declaración de todas as axudas solicitadas para este mesmo programa, tanto aprobadas ou concedidas como as pendentes de resolución, das distintas Administracións Públicas competentes ou das súas entidades vinculadas ou dependentes.

O gasto subvencionable no marco deste Convenio de Colaboración abarca unicamente ata o 31 de decembro de 2022 coa data límite de xustificación ao 23 de decembro de 2022.

A agrupación terá como prazo límite o 31 de xaneiro de 2023 para remitir á Consellería de Política Social e Xuventude a través da dirección xeral con competencias en Familia, Infancia e Dinamización Demográfica, unha memoria final conxunta de actuación do exercicio 2022, na que se recollerán as experiencias do funcionamento do programa, que incluírá: o número de persoas atendidas (nenos, nenas e adolescentes e familias atendidas), as actividades realizadas, os medios humanos e materiais empregados e aqueles outros aspectos que a entidade considere salientables.

NOVENA.- FRAUDE, CORRUPCIÓN E CONFLITO DE INTERESES

Calquera persoa que teña coñecemento de feitos que puidesen ser constitutivos de fraude ou irregularidade, en relación con actuacións financiadas total ou parcialmente con cargo a fondos procedentes da Unión Europea no marco deste convenio, poderá poñer os ditos feitos en coñecemento do Servizo Nacional de Coordinación Antifraude da Intervención Xeral do Estado, por medios electrónicos a través da canle habilitada para o efecto (<https://www.igae.pap.hacienda.gob.es/sitios/igae/es-ES/Paginas/denan.aspx>), nos termos establecidos na Comunicación 1/2017, do 6 de abril, do citado servizo.

DÉCIMA.- COMPATIBILIDADE

Estas axudas son compatibles con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais da Unión Europea ou de organismos internacionais.

O importe total non poderá ser superior ao importe do programa.

Queda prohibida a dobre financiación (artigo 188 do Regulamento (UE, Euratom) 2018/1046, do 18 de xullo de 2018, sobre as normas financeiras aplicables ao orzamento xeral da Unión (Regulamento Financeiro). As reformas e os proxectos de inversión financiados co MRR poderán recibir axuda doutros programas e instrumentos da UE sempre que a dita axuda non cubra o mesmo custo (artigo 9 do Regulamento (UE) 2021/241, do Parlamento Europeo e do Consello do 12 de febreiro de 2021.).



DÉCIMO PRIMEIRA.- INFORMACIÓN BÁSICA SOBRE PROTECCIÓN DE DATOS PERSOAIS

1. As partes asinantes virán obrigadas en materia de protección de datos a cumprir co Regulamento (UE) 2016/679 do Parlamento Europeo e do Consello de 27 de abril de 2016, relativo á protección das persoas físicas no que respecta ao tratamento de datos persoais e a libre circulación destes datos e polo que se derroga a Directiva 95/46/CE (Regulamento xeral de protección de datos); a Lei orgánica 3/2018, do 5 de decembro, de Protección de Datos Persoais e garantía dos dereitos dixitais, e demais disposicións vixentes sobre a materia, adoptando as medidas que resulten necesarias para cumprir as súas previsións e, en particular, para garantir a seguridade e integridade dos datos e a súa protección fronte a alteracións, perdas, tratamentos ou accesos non autorizados.

2. Os datos persoais e os consentimentos das persoas interesadas recadados no procedemento de concesión da subvención serán tratados na súa condición de responsable pola Xunta de Galicia-Consellería de Política Social e Xuventude, coas finalidades de levar a cabo a tramitación administrativa que se derive da concesión da subvención a través deste convenio.

3. O tratamento dos datos no procedemento de concesión da subvención baséase no cumprimento dunha misión de interese público ou no exercicio de poderes públicos, conforme a normativa recollida nas cláusulas do convenio e na ficha do procedemento incluída na Guía de Procedementos e Servizos e nas referencias recollidas en <https://www.xunta.gal/proteccion-datos-persoais>. Con todo, determinados tratamentos poderán fundamentarse no consentimento das persoas interesadas.

4. Os datos serán comunicados ás Administracións públicas no exercicio das súas competencias, cando sexa necesario para a execución do dito convenio ou para que os cidadáns poidan acceder de forma integral á información relativa a unha materia.

A fin de darlle a publicidade esixida ao procedemento, a publicidade dos datos identificativos das persoas interesadas, tendo en conta o Regulamento (UE) 2016/679 do Parlamento Europeo e do Consello de 27 de abril de 2016, estará suxeita ao cumprimento da normativa de transparencia, de subvencións coas limitacións que ao efecto procedan, a través dos distintos medios de comunicación institucionais dos que dispón a Xunta de Galicia como Diarios Oficiais, páxinas web ou taboleiros de anuncios.

5. As persoas interesadas poderán acceder, rectificar e suprimir os seus datos, así como exercitar outros dereitos ou retirar o seu consentimento, a través da sede electrónica da Xunta de Galicia ou presencialmente nos lugares e rexistros establecidos na normativa reguladora do procedemento administrativo común, segundo se explicita na información adicional recollida en <https://www.xunta.gal/proteccion-datos-persoais>.

6. As entidades que forman a agrupación serán responsable do tratamento dos datos e dos consentimentos das persoas interesadas de acordo co Regulamento (UE) 2016/679 do Parlamento Europeo e do Consello de 27 de abril de 2016 e a Lei Orgánica 3/2018, do 5 de decembro, tratará os datos coas finalidades e os usos exclusivamente precisos para a execución deste convenio, polo que non poderán ser usados para un fin distinto. Os datos persoais aos que teña acceso non serán comunicados a terceiros, nin sequera para a súa conservación.



7. As partes asinantes deste convenio garantirán a confidencialidade dos datos persoais aos que teñan acceso e de conformidade co disposto na Lei orgánica 3/2018, de 5 de decembro, de protección de datos persoais e garantía dos dereitos dixitais e no Regulamento (UE) 2016/679, do Parlamento Europeo e do Consello de 27 de abril de 2016.

8. A entidade esixiralle, tanto ao persoal propio como a aquel persoal voluntario que participe no programa, un compromiso de confidencialidade sobre aqueles datos aos que teñan acceso pola súa participación no programa.

DÉCIMO SEGUNDA.- COMISIÓN MIXTA DE SEGUIMIENTO

Para o seguimento da execución do convenio ou coñecemento de calquera cuestión sobre a súa interpretación, proposta de modificación e resolución ou efectos que poidan xurdir, prevese a creación dunha comisión mixta que estará formada polos seguintes membros:

- a) Dous representantes da Consellería de Política Social e Xuventude, que serán a persoa titular da subdirección xeral con competencias en Política Familiar, Infancia e Adolescencia que actuará como presidente/a da comisión, e a persoa titular do servizo con competencias en protección á infancia e á adolescencia. Os respectivos suplentes serán designados pola persoa titular da Consellería de Política Social e Xuventude.
- b) Un representante da entidade que lidera a coordinación do programa e, no seu caso, o respectivo suplente, designado pola súa presidencia.

Actuará como secretario/a, con voz pero sen voto, un/unha funcionario/a da Dirección Xeral competente en materia de Familia, Infancia e Dinamización Demográfica e, no seu caso o seu respectivo suplente designados pola persoa titular da Consellería a proposta da Dirección Xeral.

Esta comisión, que se reunirá por petición de calquera das partes, será o mecanismo de actuación conxunta para o seguimento e avaliación das actuacións estipuladas no presente convenio no marco da concesión da subvención pública. Non obstante, todas aquelas cuestións que se susciten en relación co outorgamento, cumprimento, xustificación e pagamento, así como o reintegro e determinación das posibles responsabilidades relativas á subvención concedida, serán resoltas pola conselleira de Política Social e Xuventude.

Como órgano colexiado a comisión someterase ao réxime establecido na Lei 40/2015, do 1 de outubro, do Réxime Xurídico do Sector Público, e na Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

DÉCIMO TERCEIRA.- VIXENCIA

O presente convenio entrará en vigor desde a data da súa sinatura ata o 31 de decembro de 2022.

Non obstante abranguerá as accións obxecto deste programa que se realicen pola agrupación desde o 1 de xaneiro de 2022.

DÉCIMO CUARTA.- NATUREZA XURÍDICA E CUESTIÓNS LITIXIOSAS

O presente convenio terá carácter administrativo rexéndose nos seus efectos polo establecido



nas súas cláusulas, polo disposto na Lei 38/2003, do 17 de novembro, e no Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro; na Lei 9/2007, do 13 de xuño, e no Decreto 11/2009, do 8 de xaneiro. No seu defecto, para resolver as lagoas e dúbidas que puideran presentarse, rexeráse polo establecido na Lei 9/2017, do 8 de novembro, así como pola Lei 40/2015, do 1 de outubro.

As cuestións litixiosas xurdidas acerca da interpretación, modificación e resolución serán resoltas pola Consellería de Política Social e Xuventude poñendo os seus acordos fin á vía administrativa. Contra elas cabe recurso potestativo de reposición ante o mesmo órgano que ditou a resolución, segundo o previsto no artigo 124 da Lei 39/2015, do 1 de outubro, do procedemento administrativo común das administracións públicas, no prazo dun mes se a resolución fose expresa. Se o acto non fora expreso, poderase interpor recurso de reposición en calquera momento a partir do día seguinte a aquel en que se produza o acto presunto, ou poderase interpor directamente recurso contencioso-administrativo, no prazo de dous meses contados desde o día seguinte á notificación do acto que poña fin á vía administrativa, se este fose expreso. Se non o fora, o prazo será de seis meses e contarase, para o solicitante e outros posibles interesados, a partir do día seguinte a aquel en que, de acordo coa súa normativa específica, se produza o acto presunto, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Para tales efectos o tribunal competente será o Tribunal Superior de Xustiza de Galicia.

DÉCIMO QUINTA.- CAUSAS DE RESOLUCIÓN

Serán causas de resolución do presente convenio:

- a) Incumprimento de calquera das súas cláusulas que o regulan.
- b) Pola aplicación dos fondos a fins distintos dos que motivaron a súa concesión.
- c) Polo transcurso do tempo fixado sen que se execute a inversión obxecto da subvención.
- d) As establecidas nos artigos 32 e 33 da Lei 9/2007, do 13 de xuño, procedendo, se fora o caso, o reintegro total o parcial da axuda percibida e dos xuros de mora devindicados dende o momento do seu pagamento ata a data na que se acorde a procedencia do reintegro.

De resolverse o convenio, a Consellería de Política Social e Xuventude, poderá exixir á agrupación o reintegro das cantidades aportadas. Igualmente, de conformidade co disposto no artigo 17.3 da Lei 9/2007, do 13 de xuño, a dita entidade procederá ao reintegro do exceso percibido no suposto de que o importe da axuda, illado ou en concorrencia con outras subvencións, axudas, ingresos ou recursos supere o custo da actividade subvencionada.

En canto aos efectos estarase ao establecido no artigo 52 da citada da Lei 40/2015, do 1 de outubro.

Todas as entidades comprométese a non disolver a agrupación ata que transcorra o prazo de prescrición previsto nos artigos 39 e 65 da Lei 38/2003, do 17 de novembro, xeneral de subvencións, e 35 e 63 da Lei 9/2007, do 13 de xuño.



DÉCIMO SEXTA.- COMUNICACIÓN, DIVULGACIÓN E PUBLICIDADE

O presente convenio será obxecto de publicidade e inscrición de conformidade co disposto no artigo 15 da Lei 1/2016, do 18 de xaneiro, e no Decreto 126/2006, do 20 de xullo, polo que se regula o rexistro de convenios da Xunta de Galicia.

Así mesmo, será obxecto de publicación e inscrición en cumprimento do disposto no artigo 17 da Lei 1/2016, do 18 de xaneiro, o artigo 15 da Lei 9/2007, do 13 de xuño, e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

As partes asinantes autorizan a publicidade dos seus datos persoais e demais especificacións recollidas no presente convenio no Portal de Transparencia e Goberno Aberto.

De conformidade coa Lei 38/2003, do 17 de novembro, o instrumento de colaboración e a información sobre a subvención serán comunicados á Base de Datos Nacional de Subvencións (BDNS).

E, en proba de conformidade cos termos do convenio, as partes asinan dixitalmente este convenio.

Pola Consellería de Política Social e Xuventude	Pola Agrupación
A Conselleira de Política Social e Xuventude	O representante da agrupación
Fabiola García Martínez	Ángel Martínez Puente



ANEXO I

Orzamento – PROGRAMA DE EXPERIENCIAS FAMILIARES DE REFERENCIA "EN FAMILIA"						
Orixe dos fondos						
	<i>custe total</i>	<i>% imputado ao programa</i>	<i>custe do programa</i>	<i>Sub. IRPF</i>	<i>Xunta de Galicia Consell. Política Social – no marco do PRTR – financiado pola Unión Europea – NEXTGENERATIONEU</i>	<i>Financiamento entidades</i>
Gastos de persoal						
Técnica Responsable Programa	27.013,78 €	100,00%	27.013,78 €	9.522,90 €	17.490,88 €	
Coordinador	34.444,08 €	20,00%	6.888,82 €	0,00 €	6.888,82 €	
33.902,60 €						
Gastos correntes						
Supervisión externa	1.200,00 €	100,00%	1.200,00 €	0,00 €	1.200,00 €	
Aluguer equipamento informático (audio, vídeo e impresión)	414,00 €	100,00%	414,00 €	0,00 €	414,00 €	
Material de difusión	600,00 €	100,00%	600,00 €	0,00 €	600,00 €	
Formadora	1.080,00 €	100,00%	1.080,00 €	0,00 €	1.080,00 €	
3.294,00 €						
Dietas e gastos de viaxes						
Transporte e desprazamentos	1.320,00 €	100,00%	1.320,00 €	0,00 €	1.320,00 €	
1.320,00 €						



<i>Xestión e administración</i>						
Aluguer Local	5.535,12 €	25,00%	1.383,78 €	0,00 €	1.383,78 €	
Asesoría	8.104,56 €	5,00%	405,23 €	0,00 €	405,23 €	
Custos xerais (teléfono, material de oficina, mantemento, etc)	1.200,00 €	100,00%	1.200,00 €	0,00 €	1.200,00 €	
2.989,01 €						
			41.505,60 € <i>100,00%</i>	9.522,90 € <i>22,94%</i>	31.982,70 € <i>77,06%</i>	0,00 € <i>0,00%</i>
				<i>100,00%</i>		

Orzamento – PROGRAMA DE EXPERIENCIAS FAMILIARES DE REFERENCIA "EN FAMILIA"
Distribución por entidades

	<i>custe total</i>	<i>% imputado ao programa</i>	<i>custe do programa</i>	<i>Faibén</i>	<i>Vicuña</i>	<i>Vedruna</i>	<i>Manaia</i>
Gastos de persoal							
Técnica Responsable Programa	27.013,78 €	100,00%	27.013,78 €	27.013,78 €			
Coordinador	34.444,08 €	20,00%	6.888,82 €	6.888,82 €			
Gastos correntes							
Supervisión externa	1.200,00 €	100,00%	1.200,00 €	1.200,00 €			
Aluguer equipamento informático (audio, vídeo)	414,00 €	100,00%	414,00 €			414,00 €	



impresión)							
Material de difusión	600,00 €	100,00%	600,00 €	600,00 €			
Formadora	1.080,00 €	100,00%	1.080,00 €	1.080,00 €			
<i>Dietas e gastos de viaxes</i>							
Transporte e desprazamentos	1.320,00 €	100,00%	1.320,00 €		700,00 €		620,00 €
<i>Xestión e administración</i>							
Aluguer Local	5.535,12 €	25,00%	1.383,78 €	1.383,78 €			
Asesoría	8.104,56 €	5,00%	405,23 €	405,23 €			
Custos xerais (teléfono, material de oficina, mantemento, etc)	1.200,00 €	100,00%	1.200,00 €	1.200,00 €			
			39.771,60 €	9.522,90 €	700,00 €	414,00 €	620,00 €

ANEXO II. PROGRAMA DE EXPERIENCIAS FAMILIARES DE REFERENCIA

1. DESCRIPCIÓN

O proxecto pretende proporcionar aos nenos, nenas e adolescentes en situación de acollemento residencial sen contactos familiares adecuados, a posibilidade de desfrutar de estancias temporais con familias alleas que se constitúan en referencias estables no seu desenvolvemento.

Trátase de ofrecer a eses nenos, nenas e adolescentes un marco referencial de vida nun núcleo pequeno como é a familia, onde a colaboración, a axuda e o respecto posibiliten experiencias que permitan o coñecemento que supón unha relación familiar e que axude a incrementar a súa autoestima e seguridade persoal á vez que amplíe a súa rede relacional.

O presente programa aborda as necesidades non cubertas dos nenos, nenas e adolescentes e require do estudo e valoración dos participantes, así como da difusión, captación, formación e valoración das familias colaboradoras adecuadas ás necesidades da persoa menor de idade, así como do acompañamento posterior.

2. XUSTIFICACIÓN

A protección da infancia en risco ou desamparo motiva, en moitos casos, a asunción da tutela ou da garda por parte da Administración. As leis establecen, en xeral, a prioridade do acollemento familiar sobre o residencial en base ao interese superior deses nenos e nenas que inclúe o seu dereito a vivir e crecer nunha contorna familiar adecuada e libre de violencia.

Con todo, a realidade amósanos que na actualidade existe un alto número de nenos e nenas que por varios motivos permanecen en centros residenciais, aproximadamente o 50% das situacións de garda e tutela¹.

Os centros proporcionan un lugar de residencia e convivencia a nenos, nenas e adolescentes que garante a adecuada cobertura das súas necesidades básicas e o efectivo exercicio dos seus dereitos. Entre eles, as casas de familia ofrecen, ademais, un marco educativo normalizador e integrador adaptado á realidade dos nenos e nenas: núcleos de convivencia máis pequenos, plenamente integrados na comunidade e atención máis personalizada.

As entradas e saídas dos nenos e nenas acollidos, en xeral, están marcadas polas súas necesidades educativas e de protección, desfrutando, na medida do posible, de saídas e visitas con pais, nais ou familiares.

Sen embargo, atopámonos con nenos e nenas que, polas súas circunstancias (sen contacto familiar protector estable nin acceso ao acollemento en familia extensa), non poden acceder ás visitas e saídas coa familia propia e, polo tanto, teñen dificultades para poder vivir experiencias de relación familiar.

1 Conforme a Estatística de protección de menores 2019 da Xunta de Galicia, <https://politicassocial.xunta.gal/gl/recursos/publicacions/estadistica-de-proteccion-de-menores>, dos 1.843 nenos e nenas en situación de tutela en 2019 en Galicia, só o 891 accederon ao acollemento familiar.



Estas situacións redundan na fragilidade dos nenos e nenas acollidos nos centros de protección: con nenos e nenas residindo por longas temporadas, situacións cronicadas e sen proxecto de saída claro que, polo paso do tempo e o acceso á maioría de idade, derivan en autonomía persoal ou reintegración familiar sen condicións de protección, especialmente nos de maior idade (12 a 17 anos).

Neses casos, ademais, o acceso ao acollemento familiar non resulta posible, ben polo excesivo tempo de tramitación, pola ausencia de familias apropiadas ou ben polas propias características dos nenos e nenas (de idades avanzadas ou con necesidades educativas especiais), o que de feito acaba privándoos da experiencia dun ambiente familiar normalizado.

Ao mesmo tempo, existen familias dispostas a colaborar co proceso educativo deses nenos, nenas e adolescentes durante períodos de fins de semana e vacacións escolares que non atopan o recurso apropiado para a colaboración ou que non dan o paso para ofrecerse como demandantes de acollemento.

3. ENTIDADES PROMOTORAS

Con data 19 de outubro de 2021 Faiben, Fundación de Apoio á Infancia e ao Benestar, MANAIA, Asociación Galega de Adopción e Acollemento, a–Inspectoría María Auxiliadora e a Asociación Casa de Familia Santa Joaquina de Vedruna asinaron un convenio de colaboración co obxectivo de enmarcar e coordinar a colaboración das catro entidades no “Programa de Experiencias Familiares de Referencia” a fin de sumar os seus esforzos para establecer camiños de actuación que favorezan e incrementen o beneficio mutuo, aproveitando ao máximo os seus recursos para a consecución dos obxectivos comúns. En virtude da cláusula 3ª.a) foi nomeado Ángel Martínez Puente, xerente de Faiben Fundación de Apoio á Infancia e ao Benestar, como representante da agrupación con poderes bastantes para cumprir coas obrigas que, como agrupación beneficiaria, lle puideran corresponder segundo o artigo 8.3 da Lei 9/2007, de 13 de xuño.

A agrupación está constituída por entidades de iniciativa social que teñen obxectivos comúns e complementarios nas áreas de intervención socioeducativa con nenas, nenos e adolescentes en situación de desprotección.

A tres primeiras dispoñen de centros residenciais (casas de familia) nos que son atendidos en réxime de acollemento residencial e/ou de atención de día, nenas, nenos e adolescentes con medida de protección. O exercicio da garda implica tamén as obrigas de velar, ter na súa compañía, alimentar, educar e procurar unha formación integral ás nenas, nenos e adolescentes, coa finalidade de promover o seu desenvolvemento persoal normalizador e a súa integración social. As tres entidades contan cunha ampla traxectoria no ámbito da protección, con profesionais con máis de 40 anos de experiencia.

Doutro lado, a Asociación Galega de Adopción e Acollemento Manaia leva xa 15 anos traballando en adopción, e os últimos 3 tamén en acollemento, ofrecendo ás familias de Galicia espazos de atención, información e formación. Con 104 familias socias é a asociación máis numerosa e activa de todo o territorio galego.



As catro entidades promotoras do Programa unen os seus esforzos e recursos asumindo dous principios fundamentais no traballo cos nenos, nenas e adolescentes:

- a) a consideración primordial do interese superior do neno ou nena sobre calquera outro que se estime lexítimo.
- b) a condición de carácter educativo que toda medida de amparo debe ter con respecto aos mesmos.

Aos efectos, as ditas entidades asinaron o 19/10/2021 un convenio de colaboración co obxecto de constituírse nunha agrupación para desenvolver o programa de experiencias familiares de referencia "En Familia". Para o desenvolvemento no documento establécese a posición de Faiben Fundación de Apoio á Infancia e ao Benestar como coordinadora do dito programa asumindo as seguintes funcións:

- a) Dirixir e supervisar a execución do proxecto.
- b) Coordinar o programa, asumindo directamente as contratacións e gastos necesarios, así como a poñer ao dispor do mesmo os recursos técnicos e materiais que correspondan.
- c) Verificar o cumprimento dos compromisos de cada socio.
- d) Preparar os informes e documentación necesaria para a xustificación do proxecto.

Os resto das entidades son responsables de:

- a) Participar nas actividades previstas no proxecto.
- b) Participar nas reunións de coordinación e seguimento do proxecto.
- c) Proporcionar ao socio coordinador a información das actividades e resultados no momento que corresponda.
- d) Informar inmediatamente o socio coordinador de calquera suceso que poida causar interrupción temporal ou permanente do servizo.
- e) Proporcionar todos os documentos necesarios para un control o unha auditoría realizada polas autoridades competentes.

Todas as entidades responderán solidariamente o caso de reintegro ou sanción derivada da subvención, comprometéndose a non disolver a agrupación ata que transcorra o prazo de prescrición previsto nos artigos 39 e 65 da Lei 38/2003, do 17 de novembro, xeneral de subvencións, e 35 e 63 da Lei 9/2007, do 13 de xuño.

4. REFERENCIAS LEGAIS

Convención da ONU sobre os Dereitos do Neno do 20 de novembro de 1989, na Resolución (77) 33 do 3 de novembro de 1977 do Consello de Europa sobre acollida de menores, e nas Directrices sobre as modalidades alternativas de coidado dos nenos aprobadas pola Asemblea Xeral das Nacións Unidas o 20 de novembro de 2009.



Real Decreto do 24 de xullo de 1889, do Código Civil. **En especial, o artigo 172 ter.3, que recolle a delegación de garda para estancias, saídas de fin de semana ou vacacións.**

Lei 2/2006, de 14 de xuño, de dereito civil de Galicia.

Lei 3/2011, do 30 de xuño, de apoio á familia e a convivencia de Galicia.

Decreto 42/2000, do 7 de xaneiro, polo que se refunde a normativa reguladora vixente en materia de familia, infancia e adolescencia.

5. OBXECTIVOS, RESULTADOS E ACTIVIDADES

Obxectivo xeral

Mellorar a vivencia da vida familiar dos nenos, nenas e adolescentes en situación de acollemento residencial a través de experiencias familiares de referencia.

Obxectivos específicos

OE1. Conseguir que as nenas, nenos e adolescentes dispoñan de referentes familiares protectores.

OE2. Mellorar a adquisición e a práctica de habilidades de convivencia en familia dos nenos, nenas e adolescentes.

OE3. Incorporar novas familias colaboradoras ao sistema de protección.

Actividades

a) Identificación de nenas, nenos e adolescentes susceptibles de participar no programa.

Inclúe a valoración dos nenos, nenas e adolescentes susceptibles de participar no programa.

b) Difusión, sensibilización e captación de familias

Inclúe a difusión e organización de sesións informativas sobre a modalidade de estancia temporal dos nenos, nenas e adolescentes con familias colaboradoras no proceso educativo, así como a recepción das solicitudes das familias.

c) Formación a familias.

Inclúe a planificación e realización da formación inicial ás familias interesadas (de 16 horas), previa á valoración.

d) Valoración de familias colaboradoras

Inclúe a realización de entrevistas a familias e conclúe coa valoración orientada a determinar a posible participación da familia no programa.

e) Estudo de compatibilidade e proposta de asignación familia-neno/a.

Inclúe a análise dos perfís das familias valoradas positivamente e dos nenos e nenas participantes para unha valoración conxunta. Finaliza cunha preselección dunha familia para un neno ou nena concreto.



f) Experiencias familiares temporais en períodos de vacacións e de fin de semana.

Inclúe a elaboración de plans de traballo e o acompañamento nas fases de adaptación e contactos e saídas regulares. Igualmente, require da organización da formación continua para as familias colaboradoras e a realización dos informes de seguimento correspondentes en coordinación coas Casas de familia.

Neste segundo ano de proxecto (o proxecto iniciouse en 2021 a través do financiamento propio das entidades e da subvención do IRPF) prevese a continuidade das experiencias iniciadas (aproximadamente 5 nenas e nenos) e as novas incorporacións, que se estiman en 10 nenas e nenos máis.

g) Supervisión externa.

Inclúe a supervisión dun supervisor externo, a cooperativa de iniciativa social Agintzari, entidade con ampla experiencia no desenvolvemento de programas relacionados e incluso moi semellantes ao presentado noutras comunidades autónomas (como o relacionado co acollemento especializado con dedicación exclusiva en Gipuzkoa), co obxectivo de revisar o traballo profesional e contrastar os marcos teóricos e conceptuais coa práctica diaria. O núcleo da supervisión son os profesionais, o foco, a intervención, os sentimentos, os valores e o modelo de interpretación.

Matriz

Obxectivos	Indicadores	Resultado esperado	Medios de verificación
OE1. Conseguir que as nenas, nenos e adolescentes dispoñan de referentes familiares protectores.	I1. Número de nenos ou nenas con experiencias temporais en familias alleas.	15 nenas e nenos.	Autorizacións de cambio de réxime de visitas e saídas Acordos de colaboración/ Plans de traballo Rexistros de visitas e saídas
OE2. Mellorar a adquisición e a práctica de habilidades de convivencia en familia dos nenos, nenas e adolescentes en situación de acollemento residencial en condicións de protección e seguridade.	I2. Porcentaxe de participantes que melloran os obxectivos establecidos nos PEIs para o ámbito familiar	75% dos participantes	Proxectos Educativos Individuais (PEI) Informes de seguimento



OE3. Incorporar novas familias colaboradoras ao sistema de protección.	I3.1 Número de familias valoradas positivamente. I3.2 Número de familias colaboradoras que integran algún neno ou nena	15 familias valoradas. 10 familias colaboradoras.	Informes de seguimento Acordos de colaboración/ Plans de traballo
--	---	--	--

Cronograma de actividades

	xan	feb	mar	abr	mai	xun	xull	ago	set	out	nov	dec
Reunións de formación e coordinación												
Identificación de nenas, nenos e adolescentes												
Difusión, sensibilización e captación de familias												
Valoración, preparación e proposta de familias colaboradoras												
Formación a familias colaboradoras												
Estudo de compatibilidade e proposta de asignación familia-neno/a												
Experiencias familiares temporais en períodos de vacacións e de fin de semana												
Supervisión externa												

6. POBOACIÓN BENEFICIARIA

Directa

Nenos, nenas e adolescentes en situación de tutela ou garda pola Xunta de Galicia que se atopen nas seguintes situacións:

- Nenos, nenas e adolescentes nos que dentro do seu Proxecto Educativo individual (PEI) se contempla a estancia do neno en familia como recurso para a consecución dos seus obxectivos educativos.
- Nenos, nenas e adolescentes sen familia biolóxica, nin familia extensa, ben por ausencia ou por imposibilidade de facerse cargo.
- Nenos, nenas e adolescentes que non teñen practicamente ningunha oportunidade de



convivir en ambientes familiares porque proveñen de situacións sociais moi carenciais e na maioría de casos non teñen referentes adultos, ademais dos educadores, mestres ou monitores.

- Nenos, nenas e adolescentes con discapacidades psíquicas, físicas, sensoriais ou enfermidades, sen posibilidades de coñecer outra situación máis normalizadora que a de Centros Residenciais dependentes da Administración Pública, tanto na súa etapa de neno ou adolescente, como na de adulto.
- Nenos, nenas e adolescentes cuxa familia se atope nunha situación social cronicada e que esta non poida facerse cargo deles durante a fin de semana e períodos de vacacións.
- Nenos, nenas e adolescentes con desmotivación marcada polo seu proceso de longo internamento.
- Nenos, nenas e adolescentes con proposta de Acollemento Familiar simple en familia allea e que esta proposta non sexa viable debido á idade do neno ou á súa situación persoal ou social.

Indirecta

Familias que se ofrecen para acoller aos nenos, nenas e adolescentes cunha motivación clara para complementar o proceso educativo dos nenos e adolescentes residentes nas casas de familia.

Supoñen o recurso básico para desenvolver o programa e deberán:

- Colaborar no proceso educativo do menor coñecendo a diferenza existente entre un proceso de acollida familiar simple e o programa de estancia en familia allea colaboradora.
- Comprender e respectar as orixes do neno así como a vivencia que ten da súa familia. A información sobre a vida do neno, terá que ser tratada con moito respecto, coñecendo o dereito que ten o neno á súa intimidade. Así mesmo, a familia colaboradora terá que estar informada sobre a normativa sobre a protección de datos cara aos nenos e adolescentes atendidos.
- Estar motivadas para participar no acompañamento ao proceso educativo dos nenos residentes na casa de familia, manifestando a dispoñibilidade de manter unha relación de continuidade co mozo ou moza.
- Dispoñer dunhas características afectivas, relacionais e convivenciais, así como duns recursos culturais, educativos e económicos que permitan que a estancia do neno con eles sexa satisfactoria para o seu desenvolvemento persoal e social.
- Aceptar un proceso de estudo e valoración. Haberán de ser conscientes de que a súa colaboración intégrase nun proceso global de atención ao neno e ao adolescente residente nunha casa de familia, polo que a súa colaboración terá que ser harmónica e coherente en relación co mencionado proceso.



7. INCIDENCIA PREVISTA

En relación cos nenos, nenas e adolescentes participantes, prevese a mellora das súas ferramentas e habilidades de relación familiar que lles permitan dotarse das capacidades necesarias para a reintegración familiar, sexa na familia de orixe ou en familia allea, ou o acceso á vida autónoma.

Os resultados do programa iniciado en 2021 fan prever que as experiencias contribúan ao desenvolvemento e integración social das persoas participantes mediante a creación de referencias familiares estables de contención e afectividade, así como mediante a facilitación por parte das familias de novas relacións sociais na súa contorna.

A sensibilización, xunto coa mellora das competencias socioeducativas das familias participantes, contribúe indirectamente tamén a un aumento do número de familias colaboradoras que mellore outras medidas de protección estables como o acollemento familiar.

A estimación de participantes resulta complexa ao tratarse dun **proxecto innovador** no sistema de protección galego. O carácter innovador do proxecto céntrase na colaboración directa entre entidades que xestionan acollemento residencial con entidades centradas no acollemento familiar para a desinstitucionalización de nenos, nenas e adolescentes.

Con todo, tras un ano de funcionamento do proxecto, a previsión para 2022, é de afianzamento e aumento do alcance do mesmo, en todos os aspectos:

O alcance da sensibilización e información a familias estímase en 150 familias alcanzadas, tendo en conta a implantación e traballo en rede de Manaia e o resto de socios do programa. Delas, prevese a participación nas sesións informativas dunhas 30 familias.

Por outro lado, respecto á identificación de nenas e nenos susceptibles de participar no programa, garántese a análise do 100% dos perfís das nenas e nenos residentes nas Casas de familia das entidades promotoras, así como a apertura do programa á posible colaboración con outras entidades.

A participación de nenas, nenos e adolescentes no programa estímase en 15, dos que aproximadamente 10 serían novas incorporacións no 2022.

8. INDICADORES PREVISTOS PARA AVALIAR O PROGRAMA

Obxectivo	Indicador	Resultado esperado
Acadar referentes familiares protectores	Nº nenos con experiencia con familiares temporais	15 nenas/os
Mellorar as habilidades de convivencia familiar	% participantes melloran obxectivo de proxectos educativos individuais de acollemento familiar	75 %
Incorporar novas familias colaboradoras	Familias valoradas positivamente	Entre 12 e 17 familias
Incorporar novas familias colaboradoras sistema protección	Familias Colaboradoras que integran algún neno/a	Entre 10 e 15 familias



9. LOCALIZACIÓN TERRITORIAL DO PROGRAMA

Provincia	Localidade/s	Persoas beneficiarias
Pontevedra	Vigo e arredores	6 a 9 nenos/as e 6 a 9 familias colaboradoras
Pontevedra	Pontevedra, Caldas de Reis e arredores	2 a 3 nenos/as e 2 a 3 familias colaboradoras
A Coruña	Concellos do Barbanza e comarca de Noia	2 a 3 nenos/as e 2 a 3 familias colaboradoras
Pontevedra	Caldas, Pontevedra, Vigo e arredores	80 familias sensibilizadas (240 persoas)
A Coruña	A Coruña, Santiago e arredores	40 familias sensibilizadas (120 persoas)
Lugo	Lugo e arredores	15 familias sensibilizadas (45 persoas)
Ourense	Ourense e arredores	15 familias sensibilizadas (45 persoas)

Entidades executantes ou membros das agrupacións:

Provincia	Localidade	Entidade que realiza o programa	Persoas beneficiarias
Pontevedra	Vigo	Faiben	50 Fam. (150 pers.)/ 7 nenos
A Coruña	A Coruña, Santiago, Ribeira	Faiben	40 Fam. (120 pers.)/ 3 nenos
Pontevedra	Pontevedra	Manaia	30 Fam. (90 persoas)
Lugo	Lugo	Manaia	15 Fam. (45 persoas)
Ourense	Ourense	Manaia	15 Fam. (45 persoas)
Pontevedra	Vigo	Asoc. CDF. Sta. Joaquina de Vedruna	2 nenos/as
Pontevedra	Caldas de Reis	Insp. M ^a Auxiliadora	3 nenos/as

10. METODOLOXÍA

Proceso de captación e valoración das familias colaboradoras

Captación. A persoa responsable do Programa de Experiencias Familiares de Referencia fará difusión e organizará sesións informativas sobre a modalidade de estancia temporal dos nenos, nenas e adolescentes con familias colaboradoras no proceso educativo. As sesións incidirán na centralidade das persoas menores como suxeitos de dereitos, orientando a toma de decisións no seu interese superior.

Solicitud. O Programa recibe as solicitudes das familias susceptibles de colaboración nos procesos educativos dos nenos, nenas e adolescentes.

Proceso de valoración. Coa solicitude iníciase o proceso para a valoración da familia, que require dun coñecemento máis profundo da dinámica familiar, motivacións, a capacidades educativas e afectivas e recursos socio-económicos e culturais.

Para acadar este coñecemento é precisa a participación da familia nunha *formación inicial* organizada polo Programa así como a realización de *entrevistas* individuais.

Ao final do proceso, o Programa realiza unha valoración orientada a determinar a súa posible participación no programa, que comunicará á propia familia. No caso de ser negativa, se é o caso, sería posible a realización dun novo proceso formativo e valorativo, a xuízo do Programa.

Proposta do neno ou do adolescente



As casas de familia considerarán os nenos, nenas e adolescentes susceptibles de participar no programa.

A proposta contará coa participación dos nenos, nenas e adolescentes implicados, que serán oídos en función da súa madurez e, en todo caso, se fosen maiores de doce anos.

Valoración conxunta/cruzada

O Programa analizará e completará se é necesario os perfís para unha valoración das solicitudes, co fin de identificar o perfil idóneo da posible familia colaboradora compatible coa realidade do neno ou nena (territorio, composición da familia, formación e preparación realizada por esta, expectativas...).

Valoradas as alternativas, o Programa realizará unha preselección dunha familia para un neno ou nena concreto e llo exporá á familia colaboradora, que poderá aceptar ou non.

Plan de traballo

O Programa se encargará de impulsar e acompañar o proceso de coñecemento, acoplamento e colaboración entre os nenos, nenas e familias.

O Programa, en coordinación coa Casa de familia, elabora o plan de traballo, no que constarán os períodos de saídas e estancia do neno ou nena coa familia colaboradora. O plan recollerá tamén unha fase previa de adaptación e primeiros contactos e saídas entre a familia colaboradora e o neno, antes de establecer a periodicidade das saídas.

O éxito do plan de traballo require da mellor información e preparación previa de ambas partes. A unificación de criterios educativos entre as persoas intervenientes no plan faise imprescindible para ofrecer tanto ao neno, nena ou adolescente como ás familias expectativas reais. A familia terá que coñecer as liñas educativas xerais que traia o neno ou adolescente no seu Proxecto Educativo Individual no centro de orixe, para evitar respostas educativas contraditorias. O neno, nena ou adolescente necesitan dun criterio de realidade que os sitúe no seu contexto actual e que os permita gozar do momento de estancia coa familia, sentíndose ao tempo escoitados e respectados nas súas expresións e manifestacións.

O Programa encargárase de informar e acompañar ás familias durante o proceso, mentres que as Casas de familia farán o propio preparando e acompañando aos nenos ou nenas.

Acompañamento e formación continua

A familia que desexe colaborar neste programa ten que aceptar o seguimento que o Programa e o gardador farán conxuntamente da estancia do neno ou nena na familia colaboradora. En concreto, o acompañamento á familia asumírase desde o Programa mentres o seguimento do PEI na área familiar realizárase desde a Casa de familia.

En todo caso, tanto desde o Programa como desde o gardador achegaranse periodicamente os correspondentes informes de seguimento. No caso de incidencias durante as estancias,




emitiranse tamén os respectivos informes, podendo chegar a interromperse a estancia a criterio do Programa ou da Casa de familia se fose preciso.

Fóra do tempo de estancia autorizado, deixarase a criterio do gardador en función do PEI do neno, que tipo de relación poderá manterse entre o neno e a familia (aniversarios, celebracións ou festas...).

No caso de que a familia ou o neno non desexen continuar coa estancia temporal, realizarase un proceso de saída acompañado desde o Programa e a Casa de familia. Nese suposto, a familia terá que manifestar por escrito a súa decisión.

A colaboración poderá finalizar tamén por acceso á maioría de idade, finalización da tutela ou cambio de medida de protección, por desexo do neno ou nena ou por valoración técnica en función da súa evolución.



1. AVALIACIÓN

O proxecto contará unha avaliación continua que se realizará do seguinte xeito:

- Avaliación cuantitativa e cualitativa semestral de indicadores de consecución d obxectivos nos plans de colaboración.
- Avaliación cuantitativa semestral de indicadores de consecución de obxectivos nos proxectos educativos individuais (PEI) dos nenos e nenas.



- Avaliación cuantitativa semestral de posibles incidencias.
- Avaliación cualitativa anual a través de enquisas de medición de satisfacción de clientes do propio programa.

Asemade, o proxecto incluirá a supervisión externa por parte dunha entidade experta, a cooperativa de iniciativa social Agintzari, co obxectivo de mellorar a intervención e os procedementos utilizados a través dun espazo de revisión que permita o contraste de ideas en situación de reflexión pausada e obxectiva, en liña cos modelos teóricos de referencia.

11. RECURSOS HUMANOS, TÉCNICOS E MATERIAIS DEDICADOS AO PROXECTO

Os recursos humanos precisos para o desenvolvemento do proxecto son unha técnica responsable do Programa a tempo completo, que se encargará das accións principais do proxecto, planificación, coordinación, difusión, etc. E un coordinador cunha dedicación do 20% da súa xornada (8 horas semanais).

O equipo humano do proxecto complementábase coa colaboración das persoas educadoras de referencia en cada Casa de familia -persoal propio de cada entidade-, encargadas do traballo educativo cos nenos e nenas no centro, a coordinación e o seguimento ás familias colaboradoras correspondentes e co técnico da Asociación Manaia, pola súa parte, para a difusión, sensibilización e captación de familias, así como nas formacións posteriores.

Para a formación a familias cóntase coa colaboración externa dunha profesional terapeuta, experta en situacións de trauma e acompañamento en procesos de acollemento familiar e adoptivo.

Faiben, Fundación de Apoio á Infancia e ao Benestar dispón dos recursos técnicos e materiais necesarios para a planificación e coordinación do Programa. Para as actividades de difusión, sensibilización e formación será necesario o aluguer dun equipo informático, que proporcionará a Asociación Casa de Familia Sta. Joaquina de Vedruna.

Faiben, Fundación de Apoio á Infancia e ao Benestar, coordinadora do Programa, dispón dunha oficina de referencia e aula de formación, en réxime de aluguer.



ANEXO III

Modelo de declaración de cesión e tratamento de datos en relación coa execución de actuacións do PRTR

Don/Dona....., DNI....., como representante da agrupación constituída para executar o Programa de experiencias familiares de referencia "En Familia", e domicilio fiscal en

beneficiaria de axudas financiadas con recursos provenientes do PRTR que participa como cotitular do programa de experiencias familiares de referencia "EN FAMILIA" no desenvolvemento de actuacións necesarias para a consecución dos obxectivos definidos na liña de investimento I2 do proxecto número 2, subproxecto número 7 (Modernización, dixitalización e mellora dos servizos de protección, atención e acollemento da infancia) incluído no Compoñente 22 "Economía dos coidados e reforzo das políticas de igualdade e inclusión social", declara coñecer a normativa que é de aplicación, en particular os seguintes apartados do artigo 22, do Regulamento (UE) 2021/241 do Parlamento Europeo e do Consello, do 12 de febreiro de 2021, polo que se establece o MRR:

1. A letra d) do apartado 2: «solicitar, para efectos de auditoría e control do uso de fondos en relación coas medidas destinadas á execución do programa no marco do PRTR, nun formato electrónico que permita realizar procuras e nunha base de datos única, as categorías harmonizadas de datos seguintes:

- i. O nome do perceptor final dos fondos;
- i. os nomes, apelidos e datas de nacemento dos titulares reais do perceptor dos fondos, segundo se define no artigo 3, punto 6, da Directiva (UE) 2015/849 do Parlamento Europeo e do Consello;
- ii. unha lista de medidas para a execución do programa no marco do PRTR, xunto co importe total do financiamento público de ditas medidas e que indique a contía dos fondos desembolsados no marco do Mecanismo e doutros fondos da Unión».

2. Apartado 3: «Os datos persoais mencionados no apartado 2, letra d), do presente artigo só serán tratados polos Estados membros e pola Comisión para os efectos e duración da correspondente auditoría da aprobación da xestión orzamentaria e dos procedementos de control relacionados coa utilización dos fondos relacionados coa aplicación dos acordos a que se refiren os artigos 15, apartado 2, e 23, apartado 1. No marco do procedemento de aprobación da xestión da Comisión, de conformidade co artigo 319 do TFUE, o Mecanismo estará suxeito á presentación de informes no marco da información financeira e de rendición de contas integrada a que se refire o artigo 247 do Regulamento (UE, Euratom) 2018/1046, do 18 de xullo de 2018,



sobre as normas financeiras aplicables ao orzamento xeral da Unión (Regulamento Financeiro) e, en particular, por separado, no informe anual de xestión e rendemento».

Conforme ao marco xurídico exposto, manifesta acceder á cesión e tratamento dos datos cos remates expresamente relacionados nos artigos citados.

....., de de 202.....

Asdo.

Cargo:



ANEXO IV

Modelo declaración de compromiso en relación coa execución de actuacións do PRTR

Don/Dona, con DNI, como representante da agrupación constituída para executar o Programa de experiencias familiares de referencia "En Familia", con, e domicilio fiscal en na condición de beneficiaria de axudas financiadas con recursos provenientes do PRTR en relación co programa de experiencias familiares de referencia "EN FAMILIA", no desenvolvemento de actuacións necesarias para a consecución dos obxectivos definidos na liña de investimento I2 do proxecto número 2, subproxecto número 7 (Modernización, dixitalización e mellora dos servizos de protección, atención e acollemento da infancia) incluído non Compoñente 22 "Economía dos coidados e reforzo das políticas de igualdade e inclusión social", manifesta o compromiso da entidade que representa cos estándares máis esixentes en relación co cumprimento das normas xurídicas, éticas e morais, adoptando as medidas necesarias para previr e detectar a fraude, a corrupción e os conflitos de interese, comunicando no seu caso ás autoridades que proceda os incumprimentos observados.

Adicionalmente, atendendo ao contido do PRTR, comprométese a respectar os principios de economía circular e evitar impactos negativos significativos no medio ambiente («DNSH» polas súas siglas en inglés «do no significant harm») na execución das actuacións levadas a cabo no marco do devandito Plan, e manifesta que non incorre en dobre financiamento e que, no seu caso, non lle consta risco de incompatibilidade co réxime de axudas de Estado.

....., de de 202.....

Asdo.

Cargo:

